



## Til

Klima- og miljøminister Vidar Helgesen

E-post: [postmottak@kld.dep.no](mailto:postmottak@kld.dep.no)

Energi- og miljøkomiteen, Stortinget

Att: Leiar Ola Elvestuen

E-post: [ola.elvestuen@stortinget.no](mailto:ola.elvestuen@stortinget.no)

Hordalandsbenken Stortinget

Mail kontaktperson [per-rune.henriksen@stortinget.no](mailto:per-rune.henriksen@stortinget.no)

Terje Breivik, Venstre

Mail: [terje.breivik@stortinget.no](mailto:terje.breivik@stortinget.no)

Knut Arild Hareide, Kristelig Folkeparti

Mail: [knut-arild.hareide@stortinget.no](mailto:knut-arild.hareide@stortinget.no)

## Melding om vedtak gjort i Hardangerrådet 30.03.2017

**HR-sak 12/17 Orienterings- og drøftingssak**

### Vedtak:

- **Vidareføring av Genbank for Hardangerfjordbestandane av laks og sjøaure. Hardangerrådet gjev uttale til saka ifm. Revidert nasjonalbudsjett**

Hardangerrådet ser med sterk bekymring på vedtaket om å legge ned arbeidet med å etablere ein genbank for Hardangerfjordbestandane av laks og sjøaure ved å ta bort løyvinga i Statsbudsjettet for 2017.

### **Kvifor genbank for Hardangerfjorden?**

Vedtaket om å etablere ein genbank for Hardangerfjorden kom etter ein lang dragkamp om ei eige forskrift for oppdrettsaktiviteten i fjorden. Etter fleire tiår med aukande oppdrettsbiomasse og med sterk bestandsnedgang for laks og sjøaure i vassdraga, vedtok Fiskeri- og kystdepartementet i 2008 «Frysvedtaket». Dette innebar forbod mot utviding eller klarering av nye lokalitetar, stans i innflytting av eksisterande eller tildeling av nye løyver til lakse- og aureoppdrett i Hardangerfjorden.

Ut i frå den situasjonen for villfisken, fann Regjeringa i 2013 at det var behov for å sikre aktuelle bestandar i Hardangerfjorden i ein eigen genbank. Eit slikt tiltak ville gje myndigheiter og næring betre tid til å løyse utfordringane med lakselus og rømt oppdrettslaks.

Ei løysing med ein genbank vart ein føresetnad for i det heile å kunne ha ei moglegheit til å sikre bestandar av ville laksefisk i Hardangerfjorden. I genbanken er målsetninga å ta vare på innsamla materiale frå ei rekke vassdrag i både ein levande og frosen genbank.

Den situasjonen som ligg til grunn for vedtaket om å etablere genbanken har utvikla seg over lang tid

Stoda for dei ville bestandane av laksefisk i Hardangerfjordvassdraga er svært alvorleg. For mange av laksestammene er denne innblandinga langt over dei grenser som forvaltninga har satt og svært dramatisk. Regjeringa sitt vedtak om å avslutte bevaringsarbeidet, fører til at

bestandane vil bli endå meir svekka og nokre vil kunne forsvinne innan kort tid. Erfaringa frå to sesongar med innsamling av stamfisk har vist urovekkande stor innblanding av oppdrettsgener i stamfiskmaterialet.

Utan ei genbankløyising vil moglegheita til å ta vare på ei rekke av bestandane bli borte, for all framtid.

### **Lokalt engasjement**

Mange av dei involverte vassdraga har vore stengt for fiske lenge, nokre elvar heilt tilbake til slutten av 1990-talet. Engasjementet og kunnskapen om fisk og vassdrag har fått forvitre i takt med bestandsnedgangen. I lokalt forvaltingsarbeid har vi tapt ein generasjon og to med engasjerte eldsjeler på elvebredda. Erfaringa frå oppstartsåra med innsamling til genbanken har vekka til live eit engasjement i samband med stamfisket, rognplanting og utsett av overskotsyngel. Genbankprosjektet har på kort tid vekt eit stort og breidt engasjement for å ta vare på restane av unike bestandar for framtidige generasjonar. Rundt Hardangerfjorden finn ein ikkje eit lokalsamfunn, stort eller lite, som ikkje har ein sjøaurebekk eller eit laksevassdrag i sin midte. Historisk ein ressurs som bidrog til Hardanger på mange vis, m.a. ved oppstarten av fjorden som attraktivt reisemål på slutten av 1880-talet.

### **Kva blir konsekvensen av Statsbudsjettet?**

Stoda for laks og sjøaure i Hardangervassdraga er ikkje endra til det betre etter vedtaket om å etablere genbanken i 2013.

Den situasjonen vi no er komen i betyr ein dramatisk forverring for alt svekka bestandar i vassdraga kring Hardangerfjorden

Den planlagde genbanken må på plass og innsamlingsarbeidet vidareførast alt hausten 2017. Det er difor viktig at Stortinget tar grep og endrar vedtaket om avvikling av genbankprosjektet gjort i samband med Statsbudsjettet.

Kopi:  
Hardangerkommunane

Kinsarvik 31.03.2017

Fruktbar helsing Hardangerrådet iks

Trude L. Rinaldo  
Konsulent  
*Hardangerrådet iks signerar digitalt*